


Komentar monetarnih kretanja u novembru 2022. godine

Ukupna novčana masa (M2) na kraju novembra 2022. godine iznosila je 32,82 milijarde KM, dok je u odnosu na prethodni mjesec registrovan veoma blagi porast novčane mase za 8,7 miliona KM. Porast novčane mase (M2) u novembru 2022. godine, rezultat je povećanja novca (M1) za 62,5 miliona KM (0,3%) i smanjenja kvazi novca (QM) za 53,8 miliona KM (0,4%). Do povećanja novca (M1) je došlo usljed porasta prenosivih depozita u domaćoj valuti za 130,9 miliona KM (1,0%) i smanjenja gotovine izvan banaka za 68,4 miliona KM (1,1%). Smanjenje kvazi novca (QM) rezultat je pada prenosivih depozita u stranoj valuti za 16,4 miliona KM (0,5%), ostalih depozita u domaćoj valuti za 24,8 miliona KM (0,8%) i ostalih depozita u stranoj valuti za 12,6 miliona KM (0,2%).

Na godišnjem nivou, porast novčane mase (M2) u novembru 2022. godine iznosio je 1,76 milijardi KM (5,7%). Rast je ostvaren kod gotovine izvan banaka za 552,8 miliona KM (10,2%), kod prenosivih depozita u domaćoj valuti za 1,43 milijarde KM (11,9%) i prenosivih depozita u stranoj valuti za 304,3 miliona KM (9,2%), uz istovremeno smanjenje ostalih depozita u domaćoj valuti za 108,6 miliona KM (3,6%) i ostalih depozita u stranoj valuti za 418,8 miliona KM (5,7%).



Protustavka porastu novčane mase (M2) na mjesečnom nivou u novembru 2022. godine u iznosu od 8,7 miliona KM je smanjenje neto strane aktive (NSA) za 477,5 miliona KM (2,4%) i povećanja neto domaće aktive (NDA) za 486,2 miliona KM (3,7%). Porast novčane mase (M2) na godišnjem nivou od 1,76 milijardi KM (5,7%), rezultat je pada neto strane aktive (NSA) za 141,3 miliona KM (0,7%) i porasta neto domaće aktive (NDA) za 1,9 milijardi KM (16,0%).

Monetarni pregled

	Stanje u mil. KM XI 2022	Mjesečne promjene u mil. KM			Godišnje stope rasta u %		
		IX 2022	X 2022	XI 2022	IX 2022	X 2022	XI 2022
Aktiva							
1. Neto strana aktiva	19.036,1	25,3	242,0	-477,5	3,9	2,7	-0,7
1.1. Strana aktiva	20.858,5	-12,9	232,6	-408,8	2,9	1,9	-0,7
1.2. Strana pasiva	-1.822,5	38,2	9,4	-68,7	-6,7	-6,6	0,0
2. Neto domaća aktiva	13.785,7	141,8	-145,1	486,2	11,1	10,7	16,0
2.1. Potraživanja od centralne vlade (neto), kantona i općina	216,8	88,6	-47,5	460,1	6,9	-5,1	-171,5
2.2. Potraživanja od domaćih sektora	20.939,9	37,8	102,1	20,3	4,8	5,1	4,9
2.3. Ostale stavke	-7.371,1	15,4	-199,6	5,9	-5,4	-3,5	-5,2
Pasiva							
1. Novčana masa (M2)	32.821,8	167,1	96,9	8,7	6,7	5,8	5,7
1.1. Novac (M1)	19.394,3	176,1	-91,6	62,5	13,6	11,4	11,4
1.2. Kvazi novac (QM)	13.427,5	-9,0	188,5	-53,8	-1,9	-1,2	-1,6

Kreditni

Ukupni krediti domaćim sektorima na kraju novembra 2022. godine iznosili su 21,97 milijardi KM, u odnosu na prethodni mjesec zabilježeno je povećanje od 25,3 miliona KM (0,1%). Rast kredita registrovan je kod sektora stanovništva za 17,5 miliona KM (0,2%), nefinansijskih javnih preduzeća za 11,8 miliona KM (2,1%) i privatnih preduzeća za 11 miliona KM (0,1%). Pad kreditnog rasta na mjesečnom nivou je zabilježen kod vladinih institucija za 5,6 miliona KM (0,5%) i kod ostalih domaćih sektora za 9,3 miliona KM (5,3%).

Godišnja stopa rasta ukupnih kredita u novembru 2022. godine iznosila je 4,3%, nominalno 911,5 miliona KM. Godišnji rast kredita registrovan je kod sektora stanovništva za 514,3 miliona KM (4,9%), privatnih preduzeća za 377,9 miliona KM (4,3%), nefinansijskih javnih preduzeća za 69,6 miliona KM (13,6%) i kod ostalih domaćih sektora za 0,6 miliona KM (0,4%). Smanjenje kreditnog rasta na godišnjem nivou registrovano je kod vladinih institucija za 50,8 miliona KM (4,3%).

Sektorska struktura kredita u BiH

	Stanje u mil. KM XI 2022	Mjesečne promjene u mil. KM			Godišnje stope promjene u %		
		IX 2022	X 2022	XI 2022	IX 2022	X 2022	XI 2022
Ukupno	21.966,7	40,8	93,1	25,3	4,2	4,5	4,3
Od toga:							
Stanovništvo	10.955,4	45,9	34,3	17,5	5,3	5,1	4,9
Privatna preduzeća	9.139,6	-22,4	30,5	11,0	3,9	4,2	4,3
Vladine institucije	1.125,1	4,3	-4,2	-5,6	-4,2	-3,5	-4,3
Javna preduzeća	581,8	2,0	37,3	11,8	5,3	15,5	13,6
Kreditni ostalim domaćim sektorima	164,8	11,1	-4,8	-9,3	6,9	3,3	0,4

Depoziti

Ukupni depoziti domaćih sektora na kraju novembra 2022. godine iznosili su 28,73 milijarde KM, u odnosu na prethodni mjesec zabilježeno je smanjenje depozita od 145,6 miliona KM (0,5%). Rast depozita na mjesečnom nivou registrovan je kod sektora stanovništva za 35,7 miliona KM (0,3%), nefinansijskih javnih preduzeća za 7,6 miliona KM (0,4%) i ostalih domaćih sektora za 98,7 miliona KM (5,3%). Kod privatnih preduzeća došlo je do smanjenja depozita za 6,2 miliona KM (0,1%), kao i kod vladinih institucija za 281,6 miliona KM (5,9%).

Godišnja stopa rasta ukupnih depozita u novembru 2022. godine iznosila je 4,2%, što je u apsolutnom iznosu 1,17 milijardi KM. Godišnji rast depozita registrovan je kod vladinih institucija za 396,9 miliona KM (9,7%), privatnih preduzeća za 557,3 miliona KM (10,2%), nefinansijskih javnih preduzeća za 209,7 miliona KM (11,9%) i kod ostalih domaćih sektora za 264,8 miliona KM (15,5%). Smanjenje stope rasta depozita na godišnjem nivou registrovano je kod sektora stanovništva za 1,8%, odnosno 262,1 milion KM.

Sektorska struktura depozita u BiH

	Stanje u mil. KM XI 2022	Mjesečne promjene u mil. KM			Godišnje stope promjene u %		
		IX 2022	X 2022	XI 2022	IX 2022	X 2022	XI 2022
Ukupno	28.732,5	106,8	192,5	-145,6	5,7	6,0	4,2
Od toga:							
Stanovništvo	14.278,3	109,8	24,0	35,7	-1,9	-2,0	-1,8
Privatna preduzeća	6.017,7	45,5	145,9	-6,2	10,1	11,8	10,2
Vladine institucije	4.487,4	-41,1	46,7	-281,6	23,0	23,4	9,7
Javna preduzeća	1.972,5	-46,0	-16,7	7,6	14,8	14,3	11,9
Depoziti ostalih domaćih sektora	1.976,6	38,5	-7,4	98,7	8,8	8,2	15,5

Devizne rezerve

Devizne rezerve Centralne banke BiH na kraju novembra 2022. godine iznosile su 15,91 milijardu KM. U odnosu na prethodni mjesec zabilježeno je smanjenje deviznih rezervi od 352,9 miliona KM (2,2%), dok su na godišnjem nivou devizne rezerve Centralne banke BiH manje za 214,2 miliona KM (1,3%).